

ԳԱՐԵԳԻՆ ԱՐՔԵՊՍ. ՅՈՎՍԵՓԵԱՆ, ՄԱՐԱՂԱՅԻ (Արցախ).—
 Մք. Ս. Էջմիածնի. Ծ. 1867 ին. ծննդավայրի Ազգ. վարժ. ի
 շրջանը աւարտելէն յետոյ կ'աշակերտի Գէորգեան ձեմարա-
 նին, և 1892-1896 Գերմանիա կը շարունակէ իր ուսումը և իր
 Գերմաներէն աւարտաճառը (Միակամեայց ծագման պատմու-
 թիւն) հրատարակելով՝ Լայփցիկի համալսարանէն փիլիսոփայու-
 րեան *sofpori* աստիճանը կ'ստանայ: Զո. 1897 ին. տեսուչ Գէ-
 որգեան ձեմարանի 1906 ին. եպս. կը ձեռնադրուի 1917 ին.
 արքեպս. 1927 ին. 1911 ին Ս. Յակոբի վանքը կ'այցելէ ուխ-
 տաւորութեան եւ ձեռագիրներու ուսումնասիրութեան համար:
 Գարեգին արքեպս. վարած է հովուական եւ վանական պաշ-
 տօններ Ս. Էջմիածնի և գաւառներու մէջ, իր գլխաւոր երկա-
 սիրութիւնները հետեւեալներն են.

— Սասնայ ծոռ եւ Սասունցի Դաւիթ (տպ. Թիֆլիս, 1892):

— Փշրակներ Ժողովրդական բանահիւսութեանց (տպ. Թիֆ-
 լիս, 1893):

— Խորովիկ քարգնակից եւ երկասիրութիւնի *նորին* (տպ. Վա-
 զարչապատ, 1903):

— Գրչութեան արուեստը հին Հայոց մեջ (գործին Գ. մասը
 միայն). (տպ. Վազարչապատ, 1913):

— Խաղբակեանի կառ Պոռչեանի Հայոց պատմութեան մեջ, մասն
 Ա. (տպ. Վազարչապատ, 1929):

Ունի նաև բանասիրական յօդուածներ զանազան Հանդէս-
 ներու մէջ:

Գէորգ ՄԵՍՐՈՊ, ՊԱՐՏԻԶԱԿՅԻ. — Ծ. 1881. աշկ. ազգ.
 վարժ. և High School ի Պարտիզակի մէջ. 1900 ին Երուսաղէմ
 կուզայ եւ կ'աշակերտի Ժառ. վարժ. ին, շրջանը լրացնելէ վերջ
 1902 ին ուսուցիչ կը կարգուի Յոպպէի Ազգ. վարժարանին. կը
 հրատարի պաշտօնէն, և կը մտնէ Արմաշու դպրեվանքը որուն
 շրջանը լրացնելէ յետոյ՝ սարկաւազ ալ կը ձեռնադրուի. բայց
 1908 ին թողլով Արմաշը եւ իր եկեղեցական տարազը, կը նա-
 խընտրէ ուսուցչութիւնը եւ յաջորդաբար կը պաշտօնավարէ
 Ռօտոսթօ, Ատաբազար և Պոլիս՝ ուր երկար ժամանակ մնալով՝
 կը դասախօսէ այլևայլ վարժարաններու մէջ: 1922 ին կ'ապաս-
 տանի Պուլկարիա, եւ կը հիմնէ անհատական վարժարան մը
 Սոֆիայի մէջ, ուր մինչև յայժմ կը վարէ իր ձեռնարակը: